

四庫全書

史部

欽定四庫全書

欽定日下舊聞考卷一百三十二

京畿房山縣三

原金諸帝陵在縣西北二十里雲峯山下

涿州志

臣等謹按雲峯山金帝陵

本朝順治初

特設守陵五十戶每歲春秋致祭享殿前碑亭恭勒

世祖章皇帝御製碑文

聖祖仁皇御製碑文乾隆十六年

皇上命葺金太祖世宗二陵享殿及繚垣工竣

親詣展謁並

御製謁金太祖世宗二陵詩恭載卷內

原金海陵煬王貞元三年三月乙卯命以大房山雲峰  
寺為山陵建行宮其麓五月乙卯命判大宗正事京等  
如上京奉遷太祖太宗梓宮丙寅如大房山營山陵六  
月乙未命左丞相布薩思恭大宗正丞哈布爾如上京

奉遷山陵七月辛酉如大房山八月壬午如大房山甲  
申啟土賜役夫人絹一匹九月己未如大房山丁卯上  
親迎梓宮於沙流河親射麋以薦十月戊寅奠梓宮於  
東郊己卯梓宮至中都丁酉大房山行宮成名曰磐寧  
十一月乙巳朔梓宮發丕承殿戊申山陵禮成

金史海陵記

按哈布爾蒙古語春也  
舊作胡拔爾今詳改

原正隆元年二月庚子謁山陵七月己酉命太保昂如  
上京奉遷始祖以下梓宮八月丁丑如大房山行視山

陵十月乙酉葬始祖以下十帝於大房山閏月己亥朔

山陵禮成

同上

原世宗大定二十一年勅封山陵地大房山神為保陵公冊曰古之建邦設都必有名山大川以為形勝我國家既定鼎於燕西顧郊圻巍然大房秀拔渾厚雲雨之所出萬民之所瞻祖宗陵寢於是焉依仰惟岳鎮古有秩序皆載祀典矧茲大房禮可闕歟其爵號服章俾列於侯伯之上庶足以稱今遣官備物冊命神為保陵公

申勅有司歲時奉祀其封域之內禁無得樵采弋獵著

為令

金史  
禮志

原大定二十九年置萬寧縣以奉山陵明昌二年更奉

先縣

金史

原太祖葬睿陵太宗葬恭陵熙宗被弑葬於皇后費摩

氏墓中貞元三年改葬於大房山蓼香殿大定初追上

謚號陵曰思陵二十八年改葬於蛾眉谷仍號思陵海

陵煬王葬於大房山鹿門谷諸王兆域中大定二十年

降為庶人改葬於山陵西南四十里睿宗於大定二年  
改葬於大房山曰景陵顯宗於大定二十五年十一月  
葬大房山章宗即位號曰裕陵世宗葬興陵章宗葬道

陵

同上 按費摩氏舊作裴  
滿氏今從八旗姓譜改正

補金太祖葬地號曰泰陵太宗所葬之墳山號曰豫陵

神麓  
記

補金太祖陵曰睿陵太宗陵曰恭陵後改葬大房山名

仍其舊苗氏所紀特與史不同或者其初擬名也

讀禮  
通考

補金之先世卜葬於護國林之南迨亮徙燕始置陵寢  
令司天臺於良鄉縣西五十餘里大紅山西大紅谷曰  
龍街寺峯巒秀拔林木森密亮尋毀其寺遂遷祖父改  
葬於寺基之上又將正殿元位之像鑿穴以奉安太祖  
太宗德宗其餘各隨昭穆序焉

金圖經

臣等謹按大紅谷大金國志作大洪谷

原國初祖宗葬於護國林之東逮海陵徙燕令司天臺  
卜地得良鄉縣西五十里大紅谷曰龍城寺峯巒秀出



林木隱映遂築陵遷葬於是惟熙宗葬於山陰

大金國志

補金主亮離燕京詣諸陵祭享其俗相傳謂之燒飯天

海陵集

補淳熙十五年十二月癸酉諜報金人制曰朕惟熙宗  
孝成皇帝以武元嫡孫受文烈顧命作其即位十有五  
年偃兵息民中外安乂而海陵庶人亮包藏禍心覬覦  
神器陰煽姦黨遂成篡逆而又厚加誣詆降從王封亮  
既得志肆其凶殘不道之極至於殺母人怨神怒自底

誅滅惟皇天春佑於我家肆予一人繼成先緒暴其罪  
惡貶為庶人仍黜其殯於兆域之外仰惟熙宗號位宜  
正是以間者稽合禮文升祔太室復加美謚尊而崇之  
惟是葬非其所蓋嘗憮然爰命有司卜地涓日奉遷梓  
宮已於十月初八日備禮葬於思陵庶幾有以慰在天  
之靈也大定二十八年十一月日熙宗即亶也

思陵  
錄

朱昆田原按此制金史失載

原瑞雲宮在金太祖陵側遺址僅存

涿州志

臣等謹按金史地理志又稱奉先縣有磐寧宮今亦無可考

增

世祖章皇帝御製金太祖世宗陵碑文 朕惟自古膺圖受籙咸有大功德於天下及其沒也弓劍之藏後世重焉匪特陰陽之所景貺實亦遐邇之所緝思故世代雖遙崇禮不替若聲教被於當年園寢湮於異世非所以昭德追遠也朕撫有九有於前代陵墓未嘗不惓惓



已經享祀帝王廟其陵寢命地方官虔供春秋外茲特諭禮臣崇官省視修其頽毀俾規制如初并令有司時祭無數嗚呼廟貌既崇特景仰於往昔封壤重煥用昭示於來茲爰勒貞珉以垂不朽云爾

增

聖祖仁皇帝御製金太祖世宗陵碑文 朕惟自古膺圖受籙咸有大功德於天下其沒也弓劍之藏後世重焉匪特陰陽之所景貺實亦遐邇之所繹思故時代雖

遠崇禮不替若聲教被於當年園寢湮於異世非所以  
昭德追遠也朕撫有九有於前代陵墓未嘗不惓惓於  
心申勅所在守護惟謹惟金朝之陵在房山者前我師  
克取遼東故明惑於形家之說疑與清朝王氣相關天  
啟元年罷金陵祭祀二年拆毀山陵剝斷地脉三年又  
建關廟於其地為厭勝之術從來國運之興衰關乎主  
德之善否

上天降鑒惟德是與有德者昌無德者亡於山陵風水

原無關涉有明末造政亂國危

天命已去其時之君臣昏庸迷謬罔知改圖不思修德  
勤民挽回

天意乃輕信虛誕之言移咎於異代陵寢肆行摧毀迨  
其後流寇猖獗人心離叛國祚以傾既與風水無與而  
前此之厭勝摧毀又何救於亂亡乎古之聖王掩骼埋  
胔澤及枯骨而有明君臣乃毀及前代帝王山陵其舛  
謬實足貽譏千古矣夫金朝垂祚百有餘年英君哲辟

實光史冊天聰三年

太宗文皇帝統師入關知金太祖世宗二帝陵寢在茲  
追念鴻烈特遣王貝勒大臣詣陵致祭蓋我

太宗文皇帝訐謨偉略度越前王乘輿所至威德布昭  
表遺徽而欽往哲誠非常之盛事也洎

世祖章皇帝定鼎中原隨享金太祖世宗於歷代帝王  
廟復命地方官春秋致祭陵寢又諭禮臣審官省視修  
其頽毀俾規制如初朕纘承丕緒緬溯前徽特命所司



虔申裡祀以昭繼述闡揚之意嗚呼廟貌既崇特景仰  
於往哲封壤重煥用昭示於來茲爰勒貞珉以垂不朽  
云爾

增乾隆十八年

御製謁金太祖睿陵詩 開國金源肇自東一時攀附

會雲風丕承肆伐追遼帝善任知人類沛公史策鴻猷  
傳赫奕睿陵佳氣閔龍慈建康前歲猶親奠况復龍興  
渤海同

增又

御製過金世宗陵留句

牧擾樵侵不忍言重瞻宰樹

鬱陵園

金世宗陵在房山近始命有司修建享殿重加修葺

事殷不襲三分跡稱

姪何殊一統尊君德已臻小堯舜國風每溯舊根源愛  
民勤政心無數景仰高山志所存

臣等謹按金世宗陵修建享殿並重加修葺詳見

御製詩注謹編載卷內金太祖陵同時修葺詳前按內

原儲備大房金源諸陵詩奉先西下亂山侵澗道廻旋入暮林翁仲半存行殿跡莓苔盡蝕古碑陰秋山春

水風煙換大定明昌德澤深卻足宣和  
解亡國穹廬黃屋恐非心 柴墟集

原賈島谷在房山縣西內有石室世傳為島所居

明一統志

增乾隆十八年

御製賈島故里詩

聞說閭仙里依然在范陽不因逢

吏部終是托空王幸有遺編在難尋宿學荒一家言自  
就僻瘦定何妨

臣等謹按賈島故里

御製詩恭載首見之篇餘不備載

原房山縣石口村有賈島庵云是島為僧時所棲負山

臨壑最為幽勝

燕山叢錄

原賈島墓在縣南一十里

明一統志

原島初祝髮於瀛州法善寺後居房山西峪峪有石庵是島故宅後舉進士授長江簿卒於蜀歸葬房山墓在

縣城南十里

長安客話

原弘治中御史盧某訪唐詩人賈島墓得斷碑於石樓村乃闢地植碑大學士李東陽別樹一碑記焉

帝京景物畧

臣等謹按李東陽賈島墓碑記無考

原島初赴名場日以八百舉子所業悉不如已往往獨語旁  
若無人或聞市高吟或長衢嘯傲韓愈與之為布衣交贈詩  
曰孟郊死葬北邙山日月風雲頓覺閒天恐文章聲斷絕再  
生賈島向人間賈又吟病蟬之句以刺公卿公卿惡之與禮  
闈議奏島與平曾等風狂梳擾貢院逐出闕外號為十惡後  
為僧名無本入京投蜀僧悟達國師院中潛于鐘樓安下宣  
宗微行聆鐘樓有吟詠聲遂登樓于島案上取吟次詩欲看

島不識帝攘臂晚帝遽於帝手奪之曰郎君何會耶帝慙  
赧下樓島尋追悔欲投鐘樓帝惜其才亟詔釋罪謂島曰方  
知卿薄命矣遂御札墨制除島為長江主簿勅曰比者禮部  
奏卿風狂遂且令闕外將息今卻携卷軸潛至京城遇朕微行  
聞卿高詠覩其志業可謂屈人是用顯我特恩賜爾墨勅宜  
從短簿別俟殊科可守劔南道遂州長江縣主簿仍便賞勅  
乘驛赴官大中八年九月七日島自長江遷普州司倉至老無  
子因啖牛肉得疾終於簿署後程錡評事倅岳陽日為詩悼

之因創墓在岳陽山上岳陽普州地名山下有岳陽池

錄鑑誠

原賈島字浪仙范陽人初為浮屠名無本韓愈教其為文去浮屠舉進士不第文宗時坐飛謗貶長江主簿會

昌初以普州司倉遷司戶未受命卒

新唐書

原島初赴舉在京在驢上得句引手作推敲之勢時韓退之為京兆尹車騎方出島不覺行至第三節左右擁至尹前退之遂與並轡歸為布衣交後累舉不第乃為僧號無本居法乾寺一日宣宗微行至寺聞鐘樓上有

吟聲遂登樓於島案上取詩卷覽之島攘臂奪之曰郎君何會此耶宣宗既去島知巫謝罪乃除遂州長江簿後遷普州司倉卒故程錡以詩悼之有騎驢衝大尹奪卷忤宣宗之句

唐遺史

原賈島太和中嘗跨驢張蓋橫截天街時秋風正厲黃葉可掃島吟曰落葉滿長安求一聯不可得不知身之所從因衝京兆尹劉栖楚節被繫一夕釋之又嘗遇武宗於寒水精舍島尤肆慢武宗訝之曰令與一官校長



金史卷一百三十二  
江簿至普州司倉卒

撫吉

原韋莊奏請追贈近代人不及第者孟郊李賀皇甫松  
李羣玉陸龜蒙趙光遠李甘劉得仁陸逵傅錫平曾賈  
島劉稚珪顧邵孫沈佩顧蒙羅鄴方干諸人俱無顯遇  
皆有奇才麗句清詞徧在時人之口銜冤抱恨竟為冥  
路之塵伏乞宣賜中書門下追贈進士及第各贈補闕

拾遺

同上

原長江在東蜀境內賈浪仙冢於此處

雲臺編

原長江縣賈島謫為主簿有墓在焉

方輿勝覽

原賈島墓在安岳縣島遷普州司戶參軍卒塋此安岳  
有大雲山昔有雍州李洞避朱泚之亂入蜀隱此鑿石

為洞讀易其中嘗師事賈島云

潼川州志

原新書謂島先為浮屠後舉進士遺史謂後因不第乃  
為僧撫言謂吟落葉滿長安句衝京尹劉栖楚節遺史  
謂得僧敲月下門句衝京尹韓退之節新書謂文宗時  
坐飛謗貶長江簿遺史謂奪詩卷忤宣宗除長江簿撫

言又謂肆慢武宗紛紛之論不同如是今集中載大中八年墨制若是則島出仕於宣宗之時矣考蘇絳所撰墓誌則曰會昌癸亥歲終於郡官舍島既死於武宗之世宣宗墨制疑後人所擬以附會遺史之說不然則太和誤為大中亦未可知也

野客叢書

原大中墨勅九十四字舊刻石祠堂中唐書傳云文宗時坐飛謗貶長江主簿會昌初以普州司倉遷司戶參軍墓誌亦記罹飛謗解褐責授長江簿會昌癸亥終於

普州官舍蘇絳當時人誌必不差撫言載武宗時謫去  
亦非也然則大中恐是太和字不敢輒改俟知者辨之  
紹興二年閏月辛卯朝議大夫提舉江州太平觀平陽

王遠跋

長江集  
附錄

原唐卿貢進士蘇絳撰岳墓銘君穿楊未中遽罹飛  
謗解褐貢授遂州長江縣主簿三年秩滿遷普州司倉  
叅軍君性和茂未嘗評人之是非不食葷血風骨自清  
念持金偁真杖至理悟浮幻之莫實信無生之可求智  
矣哉又善攻筆法得鍾張之奧所著文篇澹然躡陶謝  
之踪以會昌癸亥歲七月終於郡官舍未決旬轉授普  
州司戶參軍無子夫人劉氏承君遺旨粵以明年三月  
擇安岳縣移風鄉南岡權安禮也慮陵谷遷變刊石紀

時長江集附錄

原鄭谷長江縣經賈島墓作水遠荒墳縣路斜耕人

訝我久客嗟重來無恐無尋處落日風吹鼓子花雲

臺編

原李頻過長江傷賈島作忽從一宦遠流離無罪無

人子細知到得長江開杜宇想君魂魄也相隨梨岳

集

增李東陽賈島墓詩百里桑乾繞帝京浪仙曾此寄

浮生莽來詩骨青山瘦望盡荒原白草平無地椒盤供

廟祀有人聽馬問村名穹碑四尺標題在詞賦風餘萬

古情

茶陵集

朱彞尊原按賈島墓本在普州安岳縣移風鄉蘇

絳誌文足據何光遠亦云墓在岳陽山上岳陽普

州地名則島墓在普州無疑而鄭都官又有長江  
縣經島墓詩祝和父亦稱島謫長江簿有墓在焉  
或長江與普壤地相接故爾李頻詩一宦終遐徼  
千山隔旅墳李洞詩旅葬新墳小歸魂故國遙曹  
松詩已葬離燕骨難招入劍魂皆憫其遠葬於蜀  
明一統志乃載入房山蔣仲舒遂謂賈卒於蜀歸  
葬房山不知何所本也

原姚廣孝墓在縣治東北四十里太平里

明一統志

原聖岡在盧溝橋西二十里北有姚少師塔塔前有御

製碑文右為長羅寺司禮監太監王安墓在其後

北遊紀方

原宣德元年五月立故少師榮國公姚廣孝神道碑初

廣孝卒太宗皇帝親製碑文命有司營葬並樹碑神道

碑已具而文未刻至是其養子繼以請上出永樂中御

製文付之曰其即刻碑以成皇祖嘉念功臣之志

明宣宗實錄

原明成祖御製姚少師神道碑

朕惟高宗得傳宸之

叟以佐中興漢高用赤松之流以成大業蓋天之生斯

人也豈偶然哉惟我太子少師姚廣孝蘇之長洲人祖  
菊山父妙心皆積善母費氏廣孝器宇恢宏性懷冲澹

初學佛名道行潛心內典得其間與發揮激昂廣博教  
揚波瀾老成大振宗風旁通儒術至諸子百家靡不貫  
穿故其文章闡麗詩律高簡皆起絕塵世雖名人魁士  
心服其能每以為不及也洪武十五年僧宗泐舉至京  
師朕皇考太祖高皇帝一見異之命往持慶壽寺事朕  
鄙每進見論說勤勤懇懇無非有道之言察其所以  
堅確有守積純無疵朕益重之及皇考賓天而奸臣擅  
命廢革舊章構為禍亂危迫朕躬朕惟宗社至重匡救  
之責實有所在廣孝於時識進退存亡之理明安危禍  
福之機先機效謀言無不合出入左右帷幄之間啟沃  
良多內難既平社稷奠安乃召至京師命易今名特授  
資善大夫太子少師又錫之誥命祖考皆追封資善  
大夫太子少師如其官朕命儒臣纂修皇考太祖高皇  
帝實錄屬孝為監修官躬自較閱克勤所事嘗歸吳中  
以所賜金帛悉散之宗族鄉人其平生樂善好施天性  
然也永樂之六年三月來朝北京仍居慶壽寺朕往視

欽定四庫全書



之與語極歡至二十八日召諸門人告以去期即敝袂  
端坐而逝享年八十有四朕聞之哀悼不勝輟視朝三  
日令有司為治喪葬追封榮國公諡恭靖贈以勲號百  
司官寮暨畿內士庶遠近傾赴有摩踵接填郭塞衢雖  
武夫悍卒問巷夫婦莫不贊嘆治嗟瞻拜敬禮惟恐不  
及凡七日儀形如生異香不散卜地西山磐石建塔四  
月六日發引靈輶飄灑灑法幢旋繞于以大之心古與牙  
堅固不壞得舍利皆五色其所養深矣六月十一日乃  
葬墓在房山縣東北四十里嗚呼廣孝德全始終行通  
神明功存社稷澤及後世若斯人者使其栖栖於草野  
不遇其時以輔佐興王之運則亦安得播聲光於宇宙  
垂功名於竹帛哉春惟耆艾深切念懷乃揚其功德之  
不可泯者勒之金石以  
詔來人

明成祖御製集

補高尚書彥敬西域人善畫青山白雲甚有遠致詩亦

有唐人意度有絕句云無限紅塵隨馬足春光更比路

人忙墳今在房山羊頭岡下

鐵網  
珊瑚

補高尚書畫在元時推為第一臨川危素贈詩云房山居士高使君系出西域才超羣河東張翥云老筆精神如朱虎此山秀氣敵天台鄱陽周伯琦云西域才人畫似詩雲山高下墨淋漓聞尚書有墓在羊頭岡故西巖姚庸詩有云月射羊岡玉樹林山齋猶在白雲深今土

人已無知其處者

查浦  
輯聞

原易水出西山寬中谷東逕五大夫城南昔北平侯王  
譚不同王莽之政子興生五子並避時亂隱居此山故  
其舊居世以為五大夫城即此岳讚云五王在中麗葛  
連續者也易水東左與子莊溪水合水北出子莊關南  
流逕五公城西屈逕其城南五公猶王興之五子也光  
武即帝位封為五侯元才北平侯蓋才安喜侯顯才蒲  
陰侯仲才新市侯李才唐侯所謂中山之五王也

水經注

臣等謹按五大夫城基址今存尚有五條道口

原范陽五侯寺後魏有僧誦法華為常業初死權殮隄下後改葬骸骨並枯惟舌不壞法苑珠林

臣等謹按五侯寺今圯

原五侯村在房山縣西南二十里涿州志

臣等謹按五侯村今尚沿舊名

原茶樓頂在縣西二十里上有金章宗歇涼臺房山縣志

臣等謹按茶樓頂山名金章宗歇涼臺臺圯尚存四

石柱

原縣東十里徐村有塔

房山縣志

臣等謹按徐村塔今圯

原白犬村在縣西南七十里

房山縣志

臣等謹按白犬村疑是白帶村之訛

原房山縣西南五十里有舜廟

涿州志

原隆陽宮在縣西南五十里

同上

原白雲窩在縣西南五十里又五里斑竹寨有白雲寺

房山縣志

原亂塔寺近栗園村在縣東北四十里

同上

原福勝寺在縣治東北明洪武十五年建

同上

臣等謹按福勝寺今存

原弘業寺在縣西三里有塔

房山縣志

臣等謹按弘業寺塔今圯

原磨碑寺在縣西南四十五里

涿州志

原白水寺俗名大佛寺在縣西北十二里上元遊人甚

衆

房山縣志

臣等謹按白水寺又名興隆寺成化元年重修僧

道深撰文住持淨廣立石

原玄元觀在縣治西北隅

房山縣志

臣等謹按玄元觀今圯

原龍含峪在縣西二十五里下有清和觀遺蹟

涿州志

原弋穀尹宗師碑

師諱志平字太和姓尹氏萊州人

親長春真人於棲霞觀執弟子禮又受賜於郝太古已

邛歲太祖皇帝遣劉仲祿徵長春真人師為勸行北上

時從者十八人師為之冠繼真人主長春宮尋葺大房

山之真陽觀更曰清和宮謂侍者曰為我灑掃西堂吾

將逝矣是夜曲肱而逝中統二年詔贈清和妙道廣化

真人門人撮其著述曰  
葆光集 甘水仙源錄

原龍門臺去縣二百里上曰玉河臺四面皆山其下深

澗莫測南有龍王祠

寰宇  
通志

原梁貞明三年秋遼兵圍幽州城中危困李嗣源闔寶

李存審步騎七萬自易州北行踰大房嶺循澗而東嗣

源與養子從珂將三千騎為前鋒距幽六十里與遼遇

遼兵驚卻晉兵翼而隨之遼兵行山上晉兵行澗下每

至谷口遼兵輒邀之嗣源父子力戰乃得進至山口遼



以萬騎遮其前嗣源躍馬奮撾三入其陣斬遼酋長一

人後軍齊進遼兵卻晉兵始得出至幽州

通鑑

原宋垂拱中吏部尚書宋琪上疏請復幽燕其略曰循孤山之北涑水以西挾山而行接糧而進涉涿水並大房抵桑乾河出安禮寨此是周德威收燕之路然終宋之世卒未能復也

春明夢餘錄

原劉仁恭倚燕強且遠無所憚意自滿從方士王若訥學長年築館大安山掠子女充之又招浮屠與講法以

塋土為錢飲真錢穴山藏之殺匠滅口禁南方茶自擷

山為茶號山曰大恩以邀利

唐書

增大安館在房山縣西北大安山劉仁恭師事方士王

若訥於此

大清一統志

原仁恭幸世多故驕於富貴築宮大安山選燕美女充

其中又與道士鍊丹藥冀可不死令燕人用塋土為錢

悉斂銅錢鑿山而藏之已而殺其工以滅口後人皆莫

知其處

五代史

原仁恭慮幽州城不固築館於大安山曰此山四面懸

絕可以少制衆其棟宇莊麗擬於帝者

通鑑

原仁恭有愛妻羅氏其子守光惡之仁恭怒笞守光逐之梁開平元年遣李思安攻仁恭仁恭在大安山守光自外將兵以入擊走思安乃自稱盧龍節度使遣李喜元行欽以兵攻大安山執仁恭而幽之

五代史

原統和十四年三月鑿大安山取劉守光所藏錢散諸

五計司

遼史

原張庸温州人精太乙數順帝喜之擢秘書少監皇太子立大撫軍院命庸團結房山諸寨既降庸守駱駝谷衆潰庸無去志寨民李世傑執庸出降不屈被殺

元史

原范陽盧文進少從軍身長八尺姿貌偉異名震燕薊與莊宗屢戰獲勝一夕忽敗夜走馬墜澗中繞及水一

躍而出明日視之乃郡之黑龍潭絕岸高險深不可測  
文進知有神助已氣復振玉壺清話

欽定日下舊聞考卷一百三十二

欽定日下舊聞考卷一百三十二舉正

護國林原書護訛作獲 林木森密原書木訛作本

今俱改

金之先世條

銜冤原書銜訛作衡今改

韋莊奏請條

文章閱麗原書麗訛作嚴今改

明成祖御製姚少師神道碑

欽定日下舊聞考卷一百三十二舉正

欽定四庫全書

欽定日下舊聞考卷一百三十三

京畿

良鄉縣

原良鄉縣在府西南七十里

明一統志

臣等謹按良鄉縣明屬順天府

本朝因之

增東西距三十二里南北距六十里東至宛平縣界二十里西至房山縣界十二里南至涿州界四十五里北



至房山縣界十五里東南至固安縣治七十里西南至涿州治七十里東北至宛平縣治七十里西北至房山

縣界二十里

大清一統志

原良鄉縣屬涿郡

清類天文分野之書

原莽曰廣陽

漢地理志注

臣等謹按據述異記載漢武帝時廣陽縣雨麥則

廣陽之名不始莽矣

原後漢仍曰良鄉

良鄉縣志

原晉屬范陽國元魏屬燕郡北齊天保七年省入薊縣

武平六年復置隋屬涿郡唐聖曆元年改固節縣神龍

元年復為良鄉

清類天文分野之書

原唐以不從安史之叛改名固節

名勝志

原舊志在涿州北四十里後唐長興三年移治于此

方輿

紀要

原良鄉縣乃唐莊宗時趙德鈞所鎮也幽州歲苦遼兵

侵抄轉餉乃于鹽溝置良鄉縣

許耒使行程錄

臣等謹按鹽溝之鹽通鑑亦作閭

原遼兵既強侵抄諸州皆徧幽州城門之外甲騎充斥  
每自涿州運糧入幽州輒伏兵于閭溝掠取之及趙德  
鈞為節度使城閭溝而戍之為良鄉縣通鑑

原遼屬析津府

遼史地理志

原金屬大興府

金史地理志

原元屬大都路

元史地理志

原明洪武元年隸北平府永樂元年改北平為順天府

屬焉

良鄉縣志

增黃新莊

行宮在良鄉縣北五里

良鄉縣志

臣等謹按黃新莊

行宮建自乾隆十三年每歲為我

皇上謁

陵駐蹕之地

增乾隆十八年

御製良鄉行宮晚坐詩 入駐行時蹕蕭齋可意清去  
來時屢易今昔念交紫習武遵

前蹟均勞念衆情春雲傍晚重希澤為新耕

臣等謹按良鄉

行宮

御製詩恭載首見之篇餘不備錄

增郊勞臺在良鄉縣南三里

良鄉縣冊

臣等謹按良鄉縣

郊勞臺乾隆二十五年建時大將軍臣兆惠等平定準

臣

兆惠等平定準

唱爾奏凱于二月二十七日

皇上行郊勞禮又乾隆四十一年大將軍臣阿桂等平

臣

阿桂等平

定兩金川奏凱于四月二十七日

皇上行郊勞禮皆有

御製詩叅載卷內

增乾隆二十五年

御製二月廿七日郊勞出征將軍兆惠富德及諸將士

禮成紀事詩 京縣郊南親勞軍

闕壇陳

肅謝成勲出師本意聊嘗試

西邠之役始以兀魯特諸台吉率衆致附請兵甚力

我家爾喀牧圍勢不可以錯處滋患無寧及其鋒而偏師嘗試特計因其地以撫之故禍旗命將之典縣未

舉行語具乙亥告成碑此茲準夷既平而回中諸部以次戡定實符上蒼宗社鴻庥非敢謂先時逆

觀及此也奏凱今朝備禮文釋甲殄戈罷征伐論功行賞榮

忠勤膝前抱見詢經歷

國朝舊制凡出征將領成功還者行抱膝跪見禮以示優異今

即遵一瞬五年感以欣 同心萬里那睽違畢竟歡言

賦采薇勇將歸來兼福將敵衣著得解戎衣漫稱偃武  
修文日恐即嬉文恬武機飲至寧誇暢和樂持盈益勵  
慎幾微

增乾隆四十一年

御製于郊臺迎勞將軍阿桂凱旋將士等成凱歌十首  
郊臺仍是此郊臺何率重修盛事來漫謂數年經界

閣精神注似日相陪

勲臣率拜列靈旗

郊臺之儀陳將軍參贊等

得勝廬于臺上朕親率成功將士及王公大臣等行禮是時臺下鳴螺鼓歌樂作

軍士鳴螺赫



武儀樂奏銑歌行抱見

拜肅禮成御帳次將軍參贊趨至座前行抱見禮各加撫慰賜

坐賜茶猶循祖宗以來家法也

詰戎

家法萬年垂

已巳班師本受降

非擒賊滅寇政未行郊勞之禮

庚辰

郊勞典鴻龐放牛歸馬予素志凱獻何期此見雙

準部

回城定五年金川小寇亦如前嘉予將士久敵愾不

覺對之增惻焉

地險加之衆志堅

促浸逆賊恃其地險硲堅蟻衆齊心

抗拒其事雖小子平定兩城而逐步力戰而得攻勦之艱視前不啻數倍過之

林礪步步戰而

前小子首事雖過倍慰意恒因意惻然

鑿穴而居避

火器終于面縛出蕃城

官軍圍攻賊寨用大礮四面轟擊賊寨皆鑿地而匿以避礮火

今鼠窟垂破泥酋膽落計窮因率其弟兄中爾瓦次離爾阿爾斯丹巴並其兩土婦及助惡大頭人丹巴次離爾阿木魯綽窩斯申尼瑪噶喇克巴賢兩喇嘛並大小頭目二千餘人出寨跪捧印信乞免誅戮悉就擒獲

貪生螻蟻固如此聚族將焚語宜誠

先是投出番衆貪稱開逆酋等每言

若官軍攻至巢穴窘迫無計即相聚焚死不肯爲官兵所得彼時即以番人之性最忌自戕不過故作妄語欺飾以圖狡脫屢謝將軍等嚴防令果不出所料倏經于役五春秋棧道崎嶇

似坦郵

棧道雖險較之金川則坦途矣

夾路花紅復柳綠阿誰致悔覓

封侯

脫却戎衣換吉衣龍章示獎特恩稀

郊勞時將軍等俱中

肖親謁隨行奏凱而還俾衆觀仰軍容之盛入朝後始解  
甲易吉服將軍阿桂實為此節首功特賜四團龍補以

示優異同心戮力還擒最便解天閑賜六飛將軍阿桂及副將軍豐昇

額叅贊海蘭察並賜御用鞍馬乘以扈行兵洗金川永不波潢池跋扈竟

如何良鄉近遠多黎庶歡喜都來聽凱歌凱歌亦豈

易為聞五歲辛勤勞衆軍我實未曾安五夜幾多憂慮

與平分

原景泰元年十二月築良鄉縣城明景帝實錄

原弘治六年二月兵部主事歐鈺上言良鄉涿州在京

師肘腋止有土城而無石郭正統末年額森深入如蹈  
無人之境方今無事宜豫為之計上命所司知之兵部

奏鈺所言守土大要宜如奏行從之

明孝宗  
實錄

原良鄉土城舊高二丈隆慶中知縣事貴陽安上達增  
築之高三大二尺東南北有甕城而西門獨缺垂二十

年濟陽王道定來知縣事遂完之

良鄉  
縣志

原傳建述遊城

出北蒯唐良鄉登金臺觀武陽兩城  
水經注

原李廉良鄉道中詩  
春色南適麗蕭蕭旅思分年芳  
振樹影晴彩蕩川文沙雁衝車起洲鶯隔岸聞暮看霞

氣近旋光漢宮雲

萬清集

原陳那瞻良鄉道中詩

作客

三千里間鷄戒早征嚴

程趨赤縣王氣近神原必勢中天出

融發向日明白頭

思報主英勳望鄉情

荷華山房稿

補陳孚良鄉縣詩

過盡

長亭又短亭

燕京初曉曉鐘

聲呼童拂拭青藜杖

早挂琴書上帝京

觀光集

補又良鄉早行詩

西風黃葉館曉起候鐘聲驛吏張

燈送山童抱褥行短節萬里長劍月三更猶有釣天

夢依稀遠禁城

文州集

原彭輅良鄉道中詩

肯去經衣柳今歸見早梅朱塵

飛不盡白日點難開短劍餘孤憤長歌動七哀年年蘭

門道空老洛陽才

北郭集

原魏大中良鄉縣詩

彭義門西路系乾古渡分長驅

乘傳馬不斷出關軍沙白連荒戍城黃歷墓雲車牛微

到骨募派底紛

紛藏密齋集

增縣學在治東南明洪武五年建

大清一統志

補良鄉縣儒學在縣治東南萬厯十八年知縣事余鏜

創社學六所曰美化曰厚俗曰燕谷曰舊店曰交道曰

官莊

順天府舊志

原良鄉學官故有李北海雲麾將軍碑學官以其已斷  
因修大成殿琢為柱礎後更葺殿宇雜置瓦礫有南士  
見之以告宛平令南陽李蔭遣人輦致署中起齋覆之  
北海嘗書兩雲麾將軍碑其一為左衛將軍李思訓此

名秀幽州人

燕山叢錄

臣等謹按良鄉學署李秀碑今字跡已漫漶

原唐雲麾將軍李秀碑李邕撰并行書天寶元載正月

立明皇以天寶三年改年為載今此碑元年正月立而

稱載何哉

金石錄

原李北海書以雲麾將軍碑為第一其融液屈衍紆徐

妍溢一法蘭亭碑刻在長安今良鄉縣拓本遠不如也

池

錄

原北海書逸而遺米元章謂其屈強生疏似為未當此碑是其得意者雖剝蝕過半而存者其銘鏤凜然碑在蒲城楊用修謂已斷正德中劉遠夫御史以鐵束之入謂已亡朱秉器又謂良鄉亦有此碑蒲城者為趙文敏臨書今蒲城碑尚在未斷無有鐵束事且蒲城李思訓葬處北海真蹟的非文敏所能良鄉本肥媚文敏書無

疑

石 墨  
鐫 華

原范陽李秀唐明皇時以功拜雲麾將軍左豹韜衛翊



府中郎將封遼西郡開國公卒于開元四年葬范陽福祿鄉碑刻于天寶元年李北海有兩雲麾碑一為李思訓在陝西一為此碑其官同其姓同也此碑筆法道逸大勝陝碑秦人趙子函著石墨鐫華乃以為一碑且以

此碑為趙松雪所臨誤矣

春明夢餘錄

原趙溫良鄉縣學詩 儒官宜地僻竟日有餘清殿古碑仍在庭空草自生風高時落木雲重欲摧城客興已滿漉秋堂更雨

聲

中州集

原料石岡在縣治東三里岡有古城五座方圓碁布岡

頂有多寶佛塔隋建

方輿紀要

臣等謹按古城址已廢料石岡之料亦作燎佛塔  
今尚存

原良鄉縣城東里許有石岡石赤色如燎可以取火因

名燎石岡舊有佛塔亦名塔岡

長安客話

增多寶佛塔在燎石岡之東相傳建自隋時五級玲瓏

高十五丈四面有門階級環上唐尉遲敬德修

良鄉縣志

原金貞元元年獵于良鄉封料石岡神為靈應王初海

陵過此祠特環玦禱曰使吾有天命當得吉卜投之吉  
入禱曰果如所卜他日當有報否則毀爾祠宇投之入

吉故封之

金史

原來宏道月夜登塔岡詩 秋山欲瀝瀝滴青霧城外人家  
城裏樹白埃一道衝紅亭正是馬蹄離別處 中郎集

原良鄉亦稱鹽川因境內有鹽溝故也鹽溝即閻溝發

源自宛平縣龍門口東南流與廣陽水合

長安客話

臣等謹按鹽溝河發源自宛平縣龍門關東南經

良鄉縣陶村入永定河舊傳其水可煎鹽故名鹽

溝

增廣陽水出小廣陽西山東流逕廣陽故城北入東福

祿水注焉亂流至陽鄉右注聖水

水經注

臣等謹按據

大清一統志今廣陽河自良鄉至石羊村三岔口歸牐

牛河又宛平境之蘆芭河房山境之黃管屯河雅

河皆歸廣陽河

增廣陽河在良鄉縣東

大清一統志

增廣陽河自房山縣公村境經良鄉縣南流入桑乾河

良鄉

縣志

原聖水出上谷東過良鄉縣南入東過長鄉縣北入東

過安次縣南

水

臣等謹按聖水即今之琉璃河金史謂之劉李河

人作留李宋敏求謂之六里河名稱互異其實一

水也

原聖水南流歷良鄉縣西轉入南經良鄉縣故城西王

莽之廣陽也有防水注之

水經注

原琉璃河入名劉李河在涿州北三十里水極清汎茂  
林環之尤多鴛鴦千百成羣此河大中祥符間路振乘  
輶錄亦謂琉璃河唯嘉祐中宋敏求入蕃錄乃謂之六

里河

石湖集

原良鄉縣南四十里有琉璃河自房山龍泉峪流至霸  
州入拒馬河入湖良河自房山經涿州入北河舊有橋  
長數十丈橋畔倚一鐵竿長數十尺蓋鎮壓之物俗謂

王彥章所遺鐵篙謬也其元恩咸濟二坊並世廟勅建

長安  
客話

補琉璃河石橋之右有鐵竿倚焉自扶闌至水底約長  
五丈土人目為王彥章鐵篙此不經之談也然是物不  
知所從來按大都宮殿考廣寒露臺石闌道旁有鐵竿  
數丈上置金葫蘆三引鐵練以繫之今驗竿首有孔疑  
即其遺製蓋物在禁中莫有銷之者或因河水汎濫移  
此以鎮水怪未可定爾

說  
臆

原琉璃河即金史所載之劉李河桑飲水經曰聖水出

上谷孫汝澄曰即琉璃河也

燕都遊覽志

原元延祐四年於琉璃河置巡檢司

方輿紀要

原永樂十六年七月修順天府琉璃河橋

明成祖實錄

原嘉靖十八年四月己亥良鄉離宮成初帝命于良鄉

琉璃河陽建立離宮至是適成庚戌帝次良鄉御離宮

廟堂外史

原嘉靖二十五年八月濬良鄉琉璃河置橋其上名其



橋北曰仙積南曰永明

明世宗實錄

補王惟請起蓋良鄉縣南留李河橋梁事狀竊見中都迤南係四方官員客旅朝會經行驛程正路近體知良鄉縣南十三里有舊來經由留李河橋官道南至涿州六十里兵革以來橋廢不行目今靠西由繼陽套遠轉至涿州七十五里若經夏秋河水泛漲泥濘虛陷致使舖馬客旅來往生受兼繼陽套地形卑下村坊遠窻接連溝澮屢常失盜深為未便竊詳若依舊起蓋留李河橋道不惟道路高平徑直使舖馬客旅往返近三十餘里入免水潦泥濘之患官民實為兩便伏乞御史臺備呈中書省行下相視改正施行烏臺革補

原雷禮疏琉璃河橋隄記良鄉縣迤南四十里村名劉李其地窪下為積流所儲有河一道志稱琉璃即古聖水自房山縣龍泉峪諸泉會合于此經霸州東注北馬河入海時逢霖潦散漫奔潰百餘里凡陸挽蹶馳者動

阻滯不能涉甚或四方驛奏坐視愆期嘉靖乙亥皇上  
駕幸米天觀民艱涉惻然憫之北鑾回勅工部尚書臣  
甘為霖督修為霖以病去不終其事越歲乙巳復命侍  
郎臣楊麟內官監太監臣陳準袁亨建石橋普濟谷以  
績叙然無隄捍禦每遇游暑水發環橋南北盡為巨河  
難以越渡往來病是者又閱八年矣會辛酉仲冬事聞  
當宁蒙諭尚書徐杲曰良鄉河橋屢勅大臣督理水勢  
漲未見東下茲發帑銀八萬兩爾總領之勿令外知恐  
民費財也果受命相度建議修築二隄專用條石中添  
小橋一座並設水溝以殺水勢其各漲丈尺數目盡圖  
貼說以進臣杲曰皇上體上天大德利濟元元吾輩職  
司橋梁道路不能先事外患致厯聖懷實難辭況部  
庫所貯分毫皆皇上財也敢煩帑藏具疏請任事荷旨  
俞允於是委郎中臣王尚直員外郎曾一經同內官監  
太監臣楊用公理其規畫悉臣杲所定凡為隄南北東  
西共長五百餘大橋一座長四丈五尺濶三丈五尺高

一丈三尺五寸水溝八道又觀飭欽定元恩成濟坊儿  
二座至壬戌孟冬報成上遣臣果應廟祭冊并導賚有  
差于是臣果立石屬臣禮頌述聖德垂示永久竊為萬  
古稱頌治莫過于堯舜史臣稱其仁如天其德好生者  
以心存淳濟不思一夫一區容墊而已而橋梁道路尤  
為王政所急今我皇福民利濟常存心于天下至誠懇  
切如元德包涵故一闕氏之病涉有若已實溺之不容  
以自已者其所以發帑藏普福緣不欲勞民費財真昭  
格乎穹昊之衷與堯舜同一揆矣即今石隄延袤與橋  
相連泉若橫帶使萬國輻輳而至澤及商旅農氓相與  
歌忭于途誰溢于野不與平成之績萬世同其永賴耶  
是役也臣禮不過祇奉德意率舉職事而臣果之調度  
區畫實能為九重分憂播之無疆不徒隨事効能而已  
因記其顛末以告來者 古和藹

增明沈一貫疏琉璃河橋碑記 國家奠鼎燕京控北戒河  
山之勝西來諸水蜿蜒而注滌洄若帶去都城三十里

而近為盧溝橋有橋自勝國時甚偉入南七十里為琉璃河則古聖水也源出房山龍泉峪間壑斗絕受胡良挾河諸流而東行灑于拒馬霖潦時集逆湧奔潰彌漫殆百餘里矣今涿鹿為朝宗孔道四會蹄躐而當其衝故未有橋也蓋不勝濡軌之慮焉肅皇帝己亥狩郅中始出水衡金錢授司空累石梁七載而成又隄其兩端各五百丈車駛馬驟如行康莊上者肅皇帝不自有其功而稽之曰元惠咸濟謂若天錫云頃年以來橋南洞圯者三隄有泐有折道中絕上聞而憫之發內帑金今重修而聖母慈聖宣文明肅貞壽瑞獻皇太后益出宮中委佐之肇庚子冬越壬寅春而告訖圮者繕而加固泐者圻者甃而加完入于橋之北創為神祠祠前為升用濟行道之渴費金錢如千而皆自御府募人以操役不給則發營伍之閒佐之世且永賴而官若民不聞也天下事皆有自來不止一朝而莫不積跡成微積微成壞壞極而更乃至于頃費已語有之千丈之隄潰于蟻

蟻之穴萬木之林焚于鑽蠅之煙積漸然也當橋初時橋今有司者善為久防不過一石一費之勞而畢然已何至于煩費哉惟忽于一石一費而後乃幾毀成緒惟有司者不戒而屋聖天子之經營故行隄者塞其穴慎火者塗其隙保治者防其微嗚呼豈獨河橋然哉上命臣一貫作記臣恭記歲月以宣揚休德而垂之來茲末復中積微之說願後之人無忘斯功也謹記萬曆三十年九月吉旦立良鄉縣志

原范成大琉璃河詩煙林蔥蒨帶回塘橋影驚人失

睡鄉陡起寨惟惜病眼琉璃河上看鴛鴦石湖集

原文天祥過雪橋琉璃橋詩小橋度雪度琉璃更有

清霜滑馬蹄遊子未棠和鐵冷殘星荒店亂鳴雞吟

嘯集

原來中道琉璃橋詩飛沙千里障燕關身自奔馳意

自閑日暮郵亭還散步琉璃

橋上看青山珂雪齋集

原北涉溝南涉溝俱在縣東至涿州入桃水

名勝志

原聖水自涿縣東與桃水合首受涑水於徐城東南良

鄉西分涑水世謂之南涉溝即杭水也

水經注

源南涉溝即督亢水

方輿紀要

原北涉溝在涿州西北自涑水縣流入即涑水也

同上

原涑水東逕涑縣北東流注于桃故應劭曰垣水東入

桃闕駟曰至陽鄉注之

水經注

原縣西十里伏龍岡形勢蜿蜒如龍之伏故名又五里

為龍泉山山下有石龍口出泉不竭東流入鹽溝河

名勝志

原龍谷泉金大定間所鑿極甘在良鄉縣西北

案宇通志

增義河在縣北十五里昌黎鄉公村里入廣陽河

良鄉縣志

原廣陽故城在今縣東北三十七里

太平寰宇記

原廣陽城在縣東八里漢縣屬廣陽國後漢建武初封

劉良為侯邑屬廣陽郡晉屬范陽國後魏屬燕郡北齊

省入薊唐總章中以新羅降戶置歸義州于此後廢開

元二十年復置以處降奚唐書時信安王諱破奚遼李

詩降賜爵歸義王歸義州都督徙部落于幽州境內卽  
此上元三年史朝義自歸義東奔廣陽此廣陽謂密雲  
郡之廢燕樂縣後魏置廣陽郡于燕樂故云所謂歸義  
卽此城也州尋廢或曰金廣陽鎮蓋置于此

方輿  
紀要

增廣陽故城以其屬廣陽國亦謂之小廣陽後漢初耿  
弇追賊至小廣陽卽此

大清  
一統志

增陽鄉城在縣南二十五里舊店西一里許舊傳竇建

德築

良鄉  
縣志



臣等謹按通鑑唐高祖武德元年為夏王竇建德  
五鳳元年建德定都樂壽取深冀易定等州入嘗  
攻李藝于幽州此城或其時所建歟

原天津關在縣北百餘里自此而西至易州涞水縣出大  
龍門凡十五關口中間差大者曰天門關口或云天津  
口一名大口宋嘉定六年蒙古破金人瀛莫等州自  
大口逼中都人元致和元年上都諸王梁王王禪等襲  
破居庸游兵至大口天歷二年明宗即位于和林北南

還文宗迎之發京師明日至大口越二日次香水園人  
十九日次于上都之六十店所謂大口皆天津口也

方輿

紀要

原穆呼哩佐元大定天下功冠羣臣其孫安圖年二十  
餘為世祖相安圖孫拜珠為英宗相皆以忠勤正大為  
一代名臣東平其世封也拜珠為相奉命立安圖碑于

范陽在今良鄉

統城山房筆塵

原富珠哩掛駐蹕頌 繼天體道敬文仁武大昭孝皇  
帝即位修明世祖皇帝隆平故事以故東平忠憲王之

孫司徒忠簡王之子拜珠坐相中書至治元年詔若曰  
忠憲錫我世皇功在社稷德在生民其勅詞臣即王所  
有范陽采地朔南康莊碑之昭示悠久刻銘既完  
相承詔歲常明年春正月帝幸涿州至碑所秋九月幸  
易州還丙午帳殿碑垣之南駐輦御殿上顧丞相若曰  
汝祖考之績之盛世載帝室惟朕不忘亦惟汝之賢有  
以相朕蓋懋世德故丞相頌首謝翼日大官饌已上步  
自帳殿御金椅坐碑石丞相稱觴獻萬歲壽從臣以次  
進觴天顏和怡甚久

通去

中州文表

補房山之陰有石立于巖麓其長三大其廣七尺首昂  
而俯足跂而欽濯之則色青而潤叩之則聲清而越米  
先生仲詔思致之海淀勺園中車重輪馬十駟既鑿百

夫曳之登車七日始出山人五日僅達良鄉道上工力竭因卧之田間繚垣衛之覆以葭屋于是先生作大石出山記薛岡千仞戲代石報書先生復答石見報書一時傳為佳話吳中曷一龍震甫次良鄉見石為作長歌

紀其事焉

良齊筆記

臣等謹按良鄉縣境內米萬鍾所移石今移置

清漪園內

樂壽堂前

皇上賜名青芝岫詳見乾隆十六年

御製青芝岫詩并序已恭載入

清漪園卷內

補葛一龍次良鄉觀米仲詔憲仁所移奇石歌  
村北野草荒草間突兀孤雲蒼欲行不行氣若鬱  
未雨天真光云是米家鑿山出百步千人移數日  
時踏不肯前秦鞭無技楚力詘大木縱橫倒一林  
枕藉歲年深或需天手妙神用或卷山祇萌故心  
之古比之起幾時得渡渾河水吟岬空洞宿陰  
驚簪立奇石主人好禮尊石公神物亦宜甘半  
龍不如就此樹高閣居處日對飛來峯  
筑語

原良鄉城隍廟舊在縣西南隅景泰二年因築城而廟

遂隔于城外潯陽鄭智為主簿謀于知縣賈禱擇地于

城內西北隅建廟以景泰六年二月興役明年七月工

竣

呂文  
懿集

原天王寺在縣治東南

良鄉  
縣志

原鄔紳良鄉天王寺詩

驛路絕浮埃城闕寶殿開諸

天朝魏闕六道接燕臺珠樹鶴飛去金蓮龍駕來晨鐘

促征容結駟入蓬

萊  
鄔中憲集

增弘恩寺在良鄉縣西南二十里明萬厯年建

良鄉  
縣冊

臣等謹按弘恩寺明萬厯年間建

本朝康熙五十七年重修乾隆七年燬于火奉

旨修復正殿恭懸

皇上御書額曰秀挹龍泉乾隆十一年

御製弘恩寺詩恭載卷內

增乾隆十一年

御製弘恩寺詩 梵宇接通衢花宮別一區焚香薰意

葉禮佛定心珠不認幻空色誰叅真有無暫教停玉食

聊試飽伊蒲

左側闢離宮雲匡展轉通

左側離宮亦建於康熙年

間白屋數楹  
足有佳致  
土階

堯儉德文室佛家風幾箇寒筠綠一窻曉日紅歸鞭循

徑轉人語出林中  
曹溪雖別源般若豈殊門

釋家分  
宗教律

三門是處蓋  
持律門也  
會得無為行何妨如是言冬初烏哺母歲

久檜生孫迴首前遊跡光陰迅若奔

懷念  
非正年間因  
往水東使道一至

此寸忽忽  
十餘年矣

臣  
等謹按弘恩寺

御製詩恭載首見之篇餘不備錄



增有慶寺在郊勞臺西

良鄉縣志

臣等謹按有慶寺乾隆二十五年建

原燕廣城君樂毅墓在縣南三里

城家記

臣等謹按樂毅卒于趙當是返葬于此今其墓地

大數畝高丈餘題曰望諸君墓其來已久無年月

原望諸君墓在良鄉縣治南三里近盧溝堤決役夫興

墓碑築堤恐後無徵矣

胡谷酒集

原盧道將為燕郡太守下車衣樂毅霍原之墓而為之

立祠

魏書  
本傳

朱爨尊原按冊府元龜霍原墓在蠡州

原柳宗元弔樂生大并序 許縱自燕來曰燕之南有  
墓焉其志曰樂生之墓余聞而哀之其返也與之文使  
弔焉辭曰大厦之窳兮風而萃之車亡其軻兮乘者棄  
之嗚呼夫子兮不幸類之尚何為哉昭不可留兮道不  
可常畏死疾走兮狂顧傍徨然復為齊兮東海洋洋嗟  
夫子之專貞兮不慮後而為防胡去規而就矩兮卒陷  
滯以流亡惜功美之不就兮伴愚昧之周章宣夫子之  
不能兮無亦惡是之遑遑仁夫樹趙之凋欽兮誠不忍  
其故邦君子之容與兮彌億載而愈先踪遺時之不然  
兮匪謀慮之不長照陳辭以頌涕兮仰視天之茫茫苟  
衛世之謂何兮信余心之不藏 柳柳州集  
原湯顯祖弔望諸君墓詩 昭王靈氣久踈蕪今日登

臺弔望諸一自蒯生流淚後幾人曾讀報燕書 王若  
堂集

補邵雍詠樂毅詩 樂毅事燕時其心有深旨破齊七十城迎刃不遺矢其留即墨營却與燕有二欲使燕遂王天下自齊始豈意志未伸昭王一旦死忠王國不知使人代其位強燕自此衰何能復振起自古君與臣濟會非容易重惜千萬年英  
雄為流涕 擊壤集

原隋楊君讓墓在陽鄉舊店西有古碑 名勝志

臣等謹按隋陽君讓墓今無考

增周竇禹鈞墓在縣西北十五里豆家莊 良鄉縣志

臣等謹按朱彝尊原書涿州卷內亦有竇禹鈞墓

在州西團柳村今良鄉志又云在豆家莊未詳孰  
是謹並存以俟考

增范仲淹寶誦議陰德碑 寶禹鈞范陽人為左諫議  
大夫致仕諸子進士登第義風家法為一時標表馮道  
贈禹鈞詩曰燕山寶十郎教子有義方靈椿一株老丹  
桂五枝芳人多傳誦禹鈞生五子長曰儀次儼侃僖  
儀至禮部尚書侍郎儼為翰林學士侃右補闕侃右諫  
議大夫參知政事儼起居郎初禹鈞家甚豐年三十無  
子夜夢亡祖亡父謂之曰汝早修行緣汝無子又壽不  
永禹鈞諾鈞為人素長者先有家僕盜用房廊錢二百  
千僕慮事覺有女年十二三自寫一卷繫臂上云求賣  
此女以償所負自是遠逃禹鈞見女契甚哀憐之即焚  
券留女嬬其妻善視之及笄以二百千擇良配得所歸  
僕聞之還歸感泣訴前罪禹鈞不問父子由是鬪禹鈞

像晨夕以祝公壽嘗于元夕往延壽寺急于佛殿後得金三十兩銀二百兩持歸明日詣寺候失物主須臾一人涕泣至公問所因具以實告曰父犯罪至大辟至親戚處貸得金銀若干將以贖父罪昨暮以相知治酒春惠夫去今父罪不贖矣公遂與之同歸還以舊物仍加贈焉其同宗及外姻甚多貧困者有喪不能葬公為出金塋之凡二十七八人或與公有一日之推選其窘困則擇其子弟可垂者隨多寡貸以金帛俾之興販自給由公而活者數十家以至四方賢士賴公舉火者不可勝數每視歲之所入除伏臘外皆以濟人之饑居惟素儉器無金玉之飾家無衣帛之至宅南建書院四十間聚書數千卷禮文行之儒居師席遠方寒士貧無所託師反無供需者公咸賞之無問識與不識有志于學者聽其自至故子弟聞見益廣凡四方之士由公門登貴仕者前後接踵來拜公前必命左右扶公坐受其禮及公之

亡有持心喪以報公德先是公夢亡父後十年復語公曰汝有陰德特延三紀之壽賜五子各榮顯公享年八十二歲沐浴別親戚談笑而終五子八孫皆通顯于朝後之教子必曰燕山寶十郎云良鄉縣志

增元梁都運斗南墓在縣南三十里立教村

同

臣等謹按梁斗南墓今存

增梁斗南登元進士第一累官至河南都道相傳斗南讀書間山與同舍生論及鬼神斗南以為不足數同舍生曰間山廣寧廟汝夜能獨往乎斗南諾之乃約壘壁為驗至則遙見燈燭聞曰丞相來燭盡滅隨以筆壘壁壁至東北隅暗中觸一物刺之則人也攜以歸乃一女孺有珠色間其故曰妾蘇州人因清明觀擊毬忽怪風晝晦昏迷不知至此事聞詔以女配斗南人謂天賜夫人良鄉縣志

補漢武帝廣陽縣雨麥

述異記

原統和十九年十月己亥南伐壬寅次鹽溝

遼史聖宗紀

原保大二年蕭翰破宋師于良鄉

遼史天祚紀

原貞祐二年車駕遷汴發中都至良鄉亂軍克特等亂

殺主帥降蒙古

大金國志 按克特蒙古語火鑪也舊作斡答今譯改

原固節驛以賒得名金主亮荒淫不道使唐古定格殺其夫節度使烏達而以定格為貴妃又納其叔父為昭妃復召葛王烏魯妃烏凌阿氏妃謂烏魯曰妾不行上怒必殺王我當自裁不以相累行至良鄉驛妃問何名左右以固節對妃曰我得死所矣遂自殺

長安客話按唐古義見前舊作唐苦今譯改定格舊作定哥今

對音譯改烏達滿洲語買也舊作烏帶烏魯滿洲語是也舊作烏林今俱譯改烏凌阿舊作烏林谷今從八旗

姓譜改正

原李嘉賓類固節驛詩

往金跨中原南度轉矣精海

陵滅三綱醜類禽獸行殺夫納其婦節義漸以傾賢哉

葛王妃挺批女中英破召欲不往夫禍興之并辭王隨

使去庶便全王生行矣死修舍而不墜初盟烏魯得再

世來推帝東涼江上覽光逆境內樂昇平人稱小堯舜

實地完顏彷彿燕山有佳色燕水有餘清山清節不

朽水遠流芳聲乾坤氣磊落驛名水以莊同上

原元劉器之五世同居英宗幸涿州臨其家旌異焉

名勝志

朱彞尊原按元史孝友傳稱史氏所載累世同居

凡一十七門而無劉器之則潛德未彰于史冊者



不少矣

原良鄉燕山屬邑驛中供金粟梨天生子皆珍果入有

易州栗甚小而甘

石湖集

原范成大良鄉詩 新寒凍指似排簾付酒雖酸味  
可嫌紫爛山梨紅皺索總輸易栗十分甜 同上



欽定日下舊聞考卷一百三十三

欽定日下舊聞考卷一百三十三舉正

驛吏原書驛訛作騷今改

陳孚良鄉  
早行詩

多寶佛塔原書脫寶字今據方輿紀要增料石  
岡條

欽定日下舊聞考卷一百三十三舉正

# 欽定四庫全書

史部

欽定日下舊聞考卷一百三十四至

七

詳校官庶吉士臣范逢恩

檢討臣德生覆勘

總校官進士目程嘉謨

校對官進士目趙雯

謄錄監生目顧起

欽定四庫全書

欽定日下舊聞考卷一百三十四

京畿

昌平州一

增京師九門其西北曰德勝門出門八里為土城又二十里為清河又二十里有玄福宮又十八里為沙河店

又二十里為昌平州

昌平山水記

原昌平州在府北九十里

明一統志

臣等謹按據

大清一統志今昌平州境在府北少西七十五里明正德元年升為州仍屬順天府

本朝因之

增東西距一百五十里南北距一百三十三里東至順義縣界五十里西至鎮邊城一百里南至宛平縣界三十三里北至邊牆一百里東南至大興縣界五十里西南至宛平縣界四十五里東北至密雲縣界一百里西北至延慶州界四十里

大清一統志

原昌平本漢舊縣屬上谷郡

方輿紀要

原漢齊悼惠王子卬以昌平侯立為膠西王縣名始見

於此

昌平山水記

原莽曰長昌

漢書注

增後漢改屬廣陽郡

大清一統志

原晉仍為昌平縣屬燕國後魏廢入軍都縣屬燕郡

方輿

紀要

朱彞尊原按漢設軍都居庸昌平三縣俱屬上谷

郡後漢以昌平軍都屬廣陽郡晉以昌平軍都屬燕國而居庸仍屬上谷不改昌平本漢置至後魏始廢入軍都乃諸地志皆云本漢軍都而不及昌平且云後魏改爲昌平魏復漢舊名耳非改也唯方輿紀要不謬

原魏太和中分恒州東部置燕州治昌平尋又置昌平郡東魏爲東燕州及昌平郡北齊因之

方輿紀要

臣等謹按東魏天平中置東燕州領平昌上谷編



城三郡平昌領縣二昌平萬言此作昌平郡亦誤

原後周州郡並廢後又置平昌郡隋開皇初郡廢又省

萬年縣入焉

隋書注

原大業初昌平縣屬涿郡唐屬幽州

方輿紀要

原五代唐同光二年改燕平縣

清類天文分野之書

朱彞尊原按五代會要改幽州北平縣爲燕平縣

在長興三年八月

原縣徙治曹村又徙於白浮圖城在今州西八里

方輿紀要

臣等謹按地里沿革表事在唐同光二年

原石晉復昌平舊名割地賂遼

清類天文分野之書

原遼屬析津府

方輿紀要

原金得地以遺宋宋宣和五年爲燕山府屬七年復入

金

清類天文分野之書

原金屬大興府元屬大都路明初屬北平府永樂中屬

順天府

方輿紀要

原州城有門三其南曰永安新城門一曰小南門二城

皆內土外甃崇禎九年兵部侍郎張元佐折舊城大南門牆補修東城門樓城正中有譙樓天順三年所建

昌平

州志

臣等謹按昌平州城

本朝康熙十四年重築甃城周十里門四外有濠廣三

丈

原州治在城西偏

昌平州志

原蔡松年入閩宿昌平作黃塵却送入關山自斷何如二頃田記得鳴蛩碧花白蹉跎秋思又三年中州

集

原馬中錫昌平道中作  
款段遙遙去路長東風吹雨  
濕衣裳諸陵漸近山光紫  
三月纔臨柳色黃春事每先  
官事了老年翻比少年狂  
道旁翁仲如相識笑我來多

兩鬢蒼東田漫錄

原張海百五日宿昌平館中作  
搖落掩星館蕭條並

鵝冠鶯花春欲判風雨食猶寒  
鄉國松楸暗邊城鼓角

殘兩年遊子淚雙袖未能乾  
函山集

原毛伯溫昌平篇  
日出見山色日沒行山邊  
層壁飛

白雲羣嶽迴青天崖巍太行勢  
來脉崑崙顛迢迢歷秦

晉東走何蜿蜒至此尖南向合  
沓如環連王氣紛糾錯

大野當其前豈徒壯陵寢亦以  
開幽燕宸居榮天表四

極羅星躔煌煌太宗業聿與聖  
祖肩所貴慎明德在險

戒忘愆皇圖永有固祈命陳洛  
篇東塘集

原周詩宿昌平作  
晨發都城門暮宿昌平境  
地折雙

溪流天開萬重巔月榭露微明  
楓林墮初暝謬此陪秋

嘗齋心動避省與鹿集

原魏允貞昌平道中作 又是清明節邊城柳未黃蓬

春常作客無地不思鄉風起征衣短月明吹笛長誰將

關塞曲早爲達君王 息泉摘稿

原區大相昌平道中作 山家未夕昏半已掩柴門車

馬爭塗疾牛羊下坡喧春陰入陵樹雨色過湖邨誰道

相如病猶堪守漢園 海日集

原候恪昌平道中作 再入昌平道淒涼事不同兵戈

鯉殺氣鼓角動秋風野色千林白嵐光片日紅長陵蒼

莽外極目送飛鴻 侯司成集

增皇甫濂宿昌平作 向夕投山界城臨萬壑秋麗譙

嵐氣匝殘戍野烟收霜薄低寒雁風長韻素楸迢迢星

斗夜應共古今愁 子約集

增何景明晚至昌平詩 度盡青溪十里霜寒蕪落日

下蒼茫山城薄酒無錢買晚飯僧家石耳香 大復集

增袁宏道昌平道中作 庵前乞得老僧茶一抹垂楊

十里沙烏籠白藍憑揀取麝  
香李子枕頭瓜 素中郎集

原學宮景泰三年自舊縣徙今治天順三年成

昌平州志

增州學在州治東舊在舊治西明景泰三年與治俱徙

大清  
一統志

原元馬房輝重修昌平縣儒學碑記 學校古今之急  
務興則治安廢則亂亡必然之理也洪惟聖朝以經術  
治天下先德後刑本末具舉而條約悉備自監學而下  
路府郡邑咸設教官以育人材厚風化復慮有司奉行  
未至失於勉勵或至弛弛于是內則御史外則訪司恒  
加嚴督焉達嚕噶齊塔斯公唐古特人也至元再元之  
五年出監昌平下車之後課農講學興利除害奉上御  
下咸得其宜不數月而政平訟理歌誦之聲溢于閭閻

至正二年正月既望率僚佐祭于大成至聖文宣王廟  
禮行畢歷學左右顧盼闕壞未完之所盡然有動于心  
捐已貲一千五百餘緡過市材木募匠傭不斂于官不  
動于民皆由公之規度咄嗟而事已辦自肇作底訖工  
爲日二十有八于是壞者復闕者備煥然一新而人爭  
快觀矣昌平州志按塔斯性烈也舊作田廡唐古  
特部名也舊作  
唐兀今俱譯改

增燕平書院乾隆二十三年知州芮泰元建

一大清  
統志

原湯山在州東南三十里有溫泉可浴水經注濕水又

東溫泉水注之疑即此也

昌平山  
水記

增州東三十里湯山下有溫泉

行宮在焉

大清  
一統志

臣  
等謹按湯山

行宮建自康熙年間

聖祖仁皇帝御製詩並

皇上御製諸什恭載卷內

增

聖祖御製溫泉行  
溫泉泉水沸且清仙源遙自丹砂

生沐日浴月泛靈液微波細浪流琮琤初經石竇漾暄



溜烈勢直與炎曦爭潌洄碧澗落花駐掩映翠巘霜林  
明汀迴溪轉入欄檻甃以文石何澄泓方壺圓嶠時自  
暖紫芝朱草冬常榮殿啟披香溢石髓盤低承露浮金  
莖冲融太和蓄元氣炎德利物功難名氤氲沆瀣結紫  
霧縹緲雲霞連赤城高秋九月天颯爽鸞旗鳳節紛相  
迎慈寧瑤輦度閭闔絳霄帳殿開蓬瀛神泉淑景供遊  
賞流金漱玉堪怡情時巡豈必瑤圃遠對此心意皆和  
平華清繡嶺杳寂寞鯨魚鳬雁徒縱橫曷若茲泉獨標

異萬年勝蹟環神京歲時來往護

仙蹕點筆為賦溫泉行

增乾隆六年

御製湯泉行宮卽事詩 靈境闢離宮停鑾秋宇空庭

軒靜朝旭樹石老金風暖溜溶溶潔清波處處同心神

堪澡雪撫景興無窮

增乾隆七年

御製湯泉荷花詩 湯泉荷花開絕早挿膽瓶中間以



御製恭依

皇祖溫泉行原韻 小春風日溫而清離宮駐蹕逸趣  
生沙汀石瀨率含凍暄波激響偏琤琤嵩山仙池杳莫  
辨建武別館徒相爭

當年卷阿可仰躅至今

聖藻星雲明方沼甃玉左復右靈脈噴珠澄且泓曲溝  
引導達戶戶中各向暖當南榮細流龍首初滴注有如  
瑞露浮金莖渌然忽放屋池滿氤氲澹蕩難爲名濟涼



流黃化工神運不思議功德應教證水王

右溫泉

柳色

沿途非不青愛他絲影蘸清冷吟情那許尋常綰半六

時中一宿停

右柳色

溫泉瀉水碧池隈荷芰常于五月

開聞道瀟溪擬君子熱中可識有由來

右池塘

後庭玉

樹正榮敷香色天然與靜俱底識風前饒喜意今春批

判未虛孤

右玉蘭

亭子雖然據假山也教遮邏有筭顏

田盤石海林天表一例明朝想像間

右山亭

四季溫波

泳不涼箇中撥刺箇分袂問誰鹽醬能調劑此是大烹

般若湯

右游魚

書室還來偶讀書古今惟此合稽居設

如刮目云相待五載猶予祇慙予

右書室

官鶴官糧賦

有年竊糧鶴不語飢眠陡思散賑寧無此一為惻然一

惕然

右官鶴

臣等謹按湯山

行宮

御製詩謹譯有關紀述事實者恭載卷內餘不備錄

原北山上平行西五里有嶺曰長城微有古堞剝蝕傳

是秦皇之址有泉出焉曰馬跑又西二里有了思臺下臺而西又十里皆峻嶺也灰嶺險倍于長城石如蛤粉下山有城是鎮邊之廢邑又西八里有城是曰鎮邊兩旁皆山圍之南曰碧駕曰通明北曰鷹揚曰泠落碧駕之巖有小湖中有赤鯉盈尺是曰合抱之河鎮邊西十里有堠曰唐耳背據大山斜界居庸鎮邊廢邑其南皆山中為衢路東曰六華之巖西曰小神之山曰青利之山岩分形如六華其第四巖有洞深窈是為鳴臯洞南



十里有聚曰長峪又西五里有巖曰德勝又曰鳳皇上  
有蘭若山下出泉流二十里達於渾河山上有隱鷲臺  
山西有觀音洞又曰孤松岩山南嶺曰西峪其下有碑  
不可辨識自長峪而東二十里有聚曰菩提塹有寺曰  
白瀑寺出山而北曰白鶴峯又折而東則走高崖山僧  
言二月之交有山曰清華下可萬仞每有瑰形奇物且  
飛且走銜乳而西獵人莫敢近也

薊邱集

臣等謹按燕山八景內居庸疊翠地屬昌平已類

編入形勝卷茲不複綴

原出百望西北六十里有陁曰十八盤山有湯泉云是  
遼后浴處西一舍碧駕鷹揚高峙南北有湖焉小而深  
在碧駕之巖團結不見每春夏之交山水增流則湖益

清可鑒曰合抱河

長安客話

此條原在郊  
州門今移改

原東山口村在州城東七里

昌平州志

原東山口內一里水中有小山曰平臺山成祖嘗駐驛

馬嘉靖十五年上命作亭於上名曰聖蹟十七年四月

上幸平臺山祀成祖於亭中亭圓以白石為欄盤旋數十級而上御題聖蹟二字當口一小山曰影山口內北

三里有芥山

昌平山水記

原萬歷十一年閏月上詣牆子嶺潭谷嶺勒草窠相擇壽宮至東山口登聖蹟亭明神宗實錄

原皇甫湜平臺山扈從詩昔駐文皇輦歡傳萬壽杯誰言紫霄上重見翠華來曉樹峯巒合春花棟宇開勝圖臨塞壤嘉蹟改平臺豫蹕承雲轉靈旗繞澗迴捫天叨法從遊聖愧仙才少元集

原繇山在州東十五里或名宜山元混一方輿勝覽載有繇山寺金真定周昂題詩其上有云野澗羣山驚破

碎雲低滄海認微茫亦警句也

芹城  
小志

增龍泉山在州東南五里山頂有都龍王祠山半一洞

嘗有人附石而下初狹漸廣行里許水聲砰礧不敢前

洞北麓有潭深不可測潭東有泉出亂石間清湛可濯

為州人遊觀佳境

畿輔  
山川志

原白浮山在州東南十里上有二龍潭潭上有龍神祠

明一  
統志

增雪山在州西八里有狄梁公祠

畿輔  
山川志

原駐驛山在州西二十五里其山長而北來凡二十里  
石皆壁立高可十丈其頂皆白山之南有樓雲嘯臺高  
二丈許正北有石梯可上金章宗建亭於此舊傳山下  
有石牀石釜今亡

昌平山  
水記

增金章宗駐驛處崖鐫駐驛二大字

原神嶺峯在灌石村西北金章宗遊此以所飲酪漿洒  
於石壁之上至今猶白西南有寒崖多奇花異草

昌平  
州志

原山巖下有仙人碁碁枰碁子皆具子但可移不可得

而取

同上

原積粟山在州西北十五里相傳元時積粟於此

同上

原駐驛山之西曰虎谷其旁土崗一邱名小金山日亭

午人過崗下有光射衣若金色然

長安客話

原西山口西四里有虎谷山又三里有大虎谷山

昌平山水記

臣等謹按虎谷亦作虎峪

原無名氏虎谷詩

虎谷名金山谷行初未

識曰午山下過人衣黃金色

昌平舊志

增幽都山在州西北三十里相傳古幽州以此名

大清一統志

原神嶺山在州東北三十二里山高百餘丈下有龍潭  
流入白浮堰所謂神仙泉也

方輿  
紀要

臣等謹按今山在州之南方輿紀要云在東北誤

原神嶺一名三思嶺以其高峻故名

燕都遊  
覽記

原銀山在州東北六十里緣石梯而上五六里名中峯

唐僧鄧隱峯之所居也下有法華寺有隱峯十詩曰白

銀峯曰佛頂峯曰古佛巖曰說法臺曰佛覺塔曰懿行

塔曰雪堂曰雲堂曰茶亭曰濛泉金大定六年立石

昌平

山水

記

原隱峯閩邵武軍鄧氏子侍馬祖得悟冬居衡嶽夏止

清涼元和中登五臺路出淮西屬官軍與賊交鋒師乃

擲錫空中飛身而過兩軍為之息鬪遂入五臺金剛窟

而化

傳燈錄

原銀山峯巒高峻冰雪層積色白如銀麓有石崖皆成

黑色謂之銀山鐵壁

方輿紀要

原銀山度嶺數折峯漸分為三左一峯石卓立如錐峯



下有塔凌空為法華寺寺建於金天會三年曰大延聖  
寺正統間太監吳亮修寺後古佛巖乃後人新鑿再上  
為鄧隱峯說法臺復躡危蹬五六里為中峯頂峯石銳  
上如斧刃懸索升之凡兩轉至頂一石臺方丈許翼以  
扶欄中一石龕供石佛左懸一鐘升者擊焉寺塔七高

各數丈

燕山紀遊

原銀山頂由閭王鼻行山脊如刀背僅容納足長十餘  
步兩旁如削下臨萬仞不可凝視

中溪集

原中峯下有寺曰大延聖寺正統十二年重修賜額曰  
法華弘治十年翰林學士汪諧淨業堂記碑今斷寺西  
上半里為松棚菴門內外各一松北上一里鐵壁寺塔  
曰延聖塔弘治四年建塔前有釋行倫詩碑弘治八年  
立山北四十里為井兒谷又一里玉峯山山石盡白樹  
多蘋婆果林中有大萬聖寺土人呼張開寺像設皆石  
入山者取道二一從白泛嶺入路險難一從三思嶺牛

蹄嶺入差平

帝京景  
物卷

補銀山之上有寺曰法華太監吳亮所建也山下有寺  
曰崇壽亦亮所建寺有碑成化十二年九月立翰林國

史院編修仁和汪諧撰文鴻臚寺序班上虞何洪書

木葉

山花

記

補汪諧崇壽寺碑 銀山之下興壽村有寺曰九聖建  
自遼壽昌間滿公禪師所創也宣德辛亥春司設監太  
監吳亮先建臣剎於山上正統戊辰英廟駕幸北山賜  
額曰法華禪寺既而詢知九聖為遼金古剎憫其傾圮  
復捐貲庀財創大雄殿於寺之中設三世佛像於殿後  
建伽藍祖師堂於殿之旁立天王殿於殿前豎鐘鼓樓  
於山門內之左右廊廡庖湍莫不備具經始于天順丁  
丑春落成於己卯秋間於朝賜額曰崇壽禪寺 昌平

州志

原無名氏詩

銀山本在北萬丈青雲梯晚見居庸雪

銀山忽在酉

昌平舊志

原李夢陽題銀山寺作

銀山倚鐵壁天外削三峯下

見林中寺來聞午夜鐘僧徒住石屋雷雨拔門松西望

諸坡接雲成五色龍

空同集

增興國倫銀山寺詩

黃姑山頭白霧升鐵壁古寺羅

荒藤居人已測金銀氣法界猶懸日月燈聊寄孤松仍

結社未須三竺更逢僧西風七十二

鐘磬立馬歸途思不勝

吳明卿集

原溝溝崖深山疊嶂秀石懸空三十餘里悉履石攀葛

始達山顛清流繚繞奇樹揚芬傍有蘭石數區

薊邱集

原昭陵之北曰峒峒崖崖下有庵曰瑞峯一曰摩尼

帝京

景物略

原岫岫崖在州治西北德勝口內崖西峯有水月亭

平昌

志州

臣等謹按溝溝亦作𡵓𡵓

原德勝口西三里有溝溝巖巖分上中下望之若石梯

深險可避兵

昌平山水記

原德勝口南兩山相夾人行礮礫中數十步輒一折數里外見崖旁鴨腳樹二羅漢松一近而知為瑞峯庵也

又里許陟一嶺徑仄多亂石前人舉踵石衮衮觸後人足嶺之巔為崖折旋半里有岫峯庵俗云盤道庵中有泉鳴脚一本可休息復三折而下溝始寬分為二泉涓涓流甚清駛山簾遮其左若無路然再折過一溝始望見三峯矣中峯位乎乾東峯位乎艮西峯位乎坤三峯左右環拱為峯者二十有二所謂仙人玉女將軍步虛玻璃五雲金華紫極皆以意名者也又從磴道上下餘折至東峯庵再折而上為中峯有玉虛觀從中峯下有

西王母祠祠後石壁高三十仞石理獠惡壁右有方池  
流入巖下為瀑自中峯緣崖而西為西峯菴庵右有泉  
僧引之入香積泉右有方亭敞潔可坐瑞雲庵有大學  
士趙志臯碑記岫峰庵有石通政李琦碑中峯庵有禮  
部郎中馮元颺碑西峯庵有大學士王錫爵禮部左侍  
郎翁正春二碑碑文皆稱溝溝崖爾雅水注谷為溝以  
之稱名夫豈不古而帝京景物畧妄以岫岫易之何哉

肅松  
錄

原溝溝崖勝國梵宇繇亘凡七十有二入明僅存其五

西峯者五庵之一也

翁丈  
簡集

原公鼎溝溝崖詩

橋山西北寺一谷隱千峯曲折雲

屏掩高低枝閣重傳鴈猿飲澗倚蓋鶴巢松小憩聽泉  
久東巖已暮鐘

問次齋稿

原中山口北一里有仙人洞洞在山麓可容二百人洞

口向東從石梯而下石皆倒垂下為平地洞西壁有一

門近門上有石鐘下懸長數尺門之內步入轉而南見

有石罅如夾道深黑人不敢入

昌平山  
水記



原仙人洞在紅門內東山腰去碑樓三里躡磴而上洞口僅容一人偻而入內若大廈日色下燭石皆倒垂

燕都

遊覽

原無名氏詩

石洞窅且深花落無人掃

仙翁去不還何處尋瑤草

昌平縣志

原唐家嶺店在州南四十五里

同上

原車駕北征徐行則次唐家嶺疾行則一日而至榆林

永樂二十二年四月上親征駐驂唐家嶺以四日至居

庸闕宣德九年九月上巡邊駐驂唐家嶺正統十四年

七月上親征駐驛唐家嶺以次日至龍虎臺

昌平山水記

補翠平口在昌平北二里舊名得勝口金大定二十五

年五月改名

元混一方輿勝覽

補從紅門望長陵而西入峽中為得勝口關城雉堞樓

櫓俱壯渡溪上嶺十二盤為玉皇殿一崖獨出殿踞具

上廊檻環之

溪山棧

臣等謹按一統志得勝口亦名德勝口

原濕餘水出上谷居庸關東又東流過軍都縣南

水經

原水南流出關謂之下口水流潛伏十里許重源潛發

積而為潭謂之濕餘潭

水經注

原濕餘水東南流左合芹城水水出北山南逕芹城又

東南流注濕餘水

同上

原芹城在州東三十里有橋橋下有水出芹城北南流

入於沙河

昌平山水記

原榆河一名濕餘河或名溫餘河蓋濕餘之譌也

方輿紀要

朱彞尊原按後漢書王霸為上谷太守陳委輸可

從溫水漕以省陸轉輸之勞事皆施行章懷太子  
注引水經注本作溫餘水遼史順州有溫榆河金  
更懷柔縣為溫陽豈盡無據又昌平多溫泉有流  
入雙塔河者溫泉之名竊疑因此水經注既無善  
本今人習見坊刻遂指溫字為濕字之譌正恐類  
昔人所云以不悖為悖也

臣等謹按据说文則濕水為漂水之訛又遼史順  
州有溫餘河此引作溫榆亦互異謹附識以俟考

原榆河源出州西南四十里月兒灣下流為沙河經順

義會白河

昌平  
州志

臣等謹按是為北沙河南接宛平縣界至沙河店

東南合南沙河入通州界

增榆河今日北沙河遶州西會翠屏山泉而東南流又  
東至州東南三岔口會南沙河高麗河經順義縣西南  
三十里又東南至通州東北八里入白河俗又名為富

河

冊  
說

原易荆水東逕薊城又東逕平昌縣故城南又謂之昌

平水

水經注

臣等謹按易荆水即今之南沙河源出神頭嶺東  
流經昌平州南為南沙河舊有城

本朝設總作局于此詳見物產門

原沙河店南有水出昌平州西南五十里龍泉寺合西  
山諸泉東流為南沙河有橋曰安濟店北有水出昌平  
州西南四家莊逕雙塔村東流為北沙河有橋曰朝宗

二橋皆正統十二年命工部右侍郎王永壽建二水至

店東南竇家莊而合又東南至通州界入白河

昌平山水記

原沙河北店距州二十五里南店距州二十七里

昌平志

原吳寬渡沙河作

橋下流漸玉一灣十年重此照袞

頗疎林小店行厨設落日平原獵騎還韋杜南連多白

草居庸北界盡蒼山天寒喜報王師轉驛路無塵羽檄

聞鮑翁家藏集

原許穀沙河道中和汝湖韻五渠春水接天河玉輦

經游紫氣多夾路羽儀交日馭行宮仙樂動雲和飛魚

口外龍旂轉洗馬橋邊豹尾過獨美上

御遙扈蹕詩成傳出鳳凰坡石城集

增高麗河在州東五十里源出州東龍泉寺泉分二流

一入順義縣名白浪河一南流名高麗河又南流復合

入溫榆河

大清一統志

原一畝泉在州西南十五里東會沙河經陽山由高梁

直至張家灣以濟漕河

昌平州志

原雙塔河源出昌平縣孟村一畝泉經雙塔店而東至

豐善村入榆河

元史河渠志

原至元元年二月癸北京都元帥阿海所領軍疏雙塔

漕渠

元史世祖紀



原至元三年四月巡河官言雙塔河時將泛溢不早為  
備恐至潰決臨期卒難措手乃計會閉水口工物開申

都水監差夫修治凡合閉水口五處

元史河渠志

原官河在州西南二十里源出一畝泉分為二流一曰  
官河流入宛平縣入高梁河一曰雙塔河在州西南三

十里經雙塔店入榆河

方輿紀要

原七度水在昌平界接虎眼泉

太平寰宇記

原虎眼泉在州西八里舊城下

方輿紀要

原常景遺別將破杜雒周於州西虎眼泉

魏書

原虎眼川在虎谷山下幢幢水所出也

昌平州志

原水流如瀑布三四里至鵠鵠岩隱而不見或謂舊縣西北虎眼泉是其水復出也

燕都海覽志

臣等謹按州志虎眼泉流至豐瞻村入榆河

原吳師道虎峪涼泉作居庸古塞口諸峯並嵯峨左轉萬栗林黃葉墮殘柯路出草棘間石溝泣微波黃塵欲騰起知有飲馬脫前超俯絕壑素礫漫坡陀窮秋水脉絕泓渟不盈科無復聲涼涼虛名誤來過下馬少徘徊土屋依岩阿野老向我言深入水木多前年邑中人來此逃干戈毒蛇數十里臨險無誰何桃源志樂土

商山有遺歌誰知戰爭場咫尺隔網羅  
欲游苦匆匆斜陽下前坡 吳禮部集

朱彞尊原按吳禮部正傳所詠淙淙泉當卽今之幢幢水也

欽定日下舊聞考卷一百三十四